

Q. D. B. V.

DISSERTATIO PHILOLOGICA
DE

PLEIADIBVS POETARVM
GRAECORVM

QVAM
MODERANTE
VIRO
MAGNIFICO EXCELLENTISSIMO AMPLISSIMOQUE
DOMINO

IOHANNE ANDREA MICHAELE
NAGELIO

PHILOSOPHIAE PRIMAE ORAT. ET L.L.O.O.
PROFESSORE AC BIBLIOTHECARIO

VT ET ACAD. SCIENT. ROBORETANAECOLLEGA


PATRONO SVO EXOPTATISSIMO AD CINERES
VSQVE OMNI PIETATE COLENDO

AD D. III APRILIS A. S. R. CICIOCLXII

ACADEMICA DISQUISITIONI SVBMITTET

IOANNES SCHEVBER
NORIMBERGENSIS.

ALTDORFII
EX OFFICINA HESSELIANA.



PROOEMIVM.



uemadmodum poesis et prodesse solet et delectare , sic quoque gloriam parit , si quis haud inuitis musis ad eam accedat. Neque tamen adeo facile esse , poetam fieri , et publice placere , uel cultissimus Argonauticorum scriptor , Apollonius Rhodius docere potest , de quo in uita eius haec narrantur : ἐτοι λέγεται ἔτι ἐφιβον ὅντα ἐνδεξαμενι τὰ Ἀργοναυτικά , οὐκ κατεγγωλα . οὐ φέρουται δὲ τὴν ἀισθύνην τῶν πολιτῶν , οὐ τὸ ὄνειδος οὐ τὴν διαβελήν τῶν ἄλλων ποιητῶν , καταλιπεῖν τὴν πατρίδα , οὐ μετεληλυθέναι εἰς Ρόδον , οὐδεὶς ἀντα ἐπιζέσσοντα διορθῶσαι , οὐ τῶς ἐνδεξαμενοὺς οὐ υπερευδοκιμῆσαι . I. c. Hic dicitur adhuc erubebus recitasse argonautica , et reprobatus esse . Quum autem non ferret ignominiam ciuitum , et opprobrium atque calumniam aliorum poetarum , reliquit patriam , et in Rhodum transit , ac ibi capoliuit et emendauit . Seruauit nobis scholiares APOLLONII fragmenta quedam prioris editionis Argonauticorum eius . Ita libro I^{mo} post uersum 515 usque ad 524 , loco uersuum :

Οὐ δὲ ἐπιδὴν μετέπειτα κερασσάμενοι δὴ λοιπὰ
ἢ θέρμις ἔστι, τέωσ ἐπὶ τε γλώσσησι χέοντο
αἰθομέναις. ὑπνυ δὲ διὰ πνέφας ἐμνοῦντο.
Αυτὰρ, ὅτ' αἰγλήσσαι φαενῶς ὄμμασι ἡδεῖς
Πηλίς αἰπεινὰς ἵδεν ἄκρας, ἐκ δὲ ἀνέμοιο
Ἐύδιοι ἐκλίζοντα τινασσαμένης ἀλὸς ἄκρα.
Δὴ τοτὲ ἀνέγυρετο Τίφυς. ἀφαρ δὲ ὀρόθυνεν ἐτάριψε
Βαινέμενοι τέ ἐπὶ νῆα, καὶ αἴρτυνεσθαι ἐρετμά.

Hoc est ex uersione IEREMIAE HOELZLINI:

Haud multo post ministratum ad libamina uinum,
Prout fas erat, tandem profuderunt in linguis
Ardentes, et noctu iam aurigante cogitarunt somnum.
Postea uero quam luminosum mane uultu fulgenti
Celsa Pelii iuga illuxit, et tranquillae
Maris summitates uento succusse fluctuarunt,
Experrectus Tiphus actutum hortatur socios
Nauem ingredi, remos aptare;

in priori editione hi uersus legebantur, quos iam ex scho-
liasta producimus, qui ad uersum 515 ait: ἐν δὲ τῇ προειδόσῃ
μετὰ τέτο γέγραπται.

Ημος δὲ τριτάτη φάνη ἡδεῖς. τῇ δὲ περὶ γύκτα
Βεθύσιον ἐκάτοιο πατ' αὐτόθι δαινυμένοισι
Τήμος ἀρέτη διόθεν πνοιή πέσεν. ὥρθο δὲ Τίφυς
κειλόμενος βαίνειν ἐπὶ σέλμασι. τοι δὲ αἴοντες.
ἔχης δὲ τῶν ἐκκειμένων, σμερδαλέον δὲ λιμήν.

H. e.

H. e. In priori editione post haec scriptum fuit:

Quando autem tertia apparuit dies; ea sub noctem
De solenni sacrificio Apollinis consiuum celebrantibus
Tunc a luce uentus contigit. Surrexit uero Tiphys
Iubens ad remos accedere. Ipsi uero auscultantes;
post quae in uulgatis sequuntur: horrendum uero portus etc.;
qui est uersus 524. Alius quoque locus ex priori Apollo-
nii editione reperitur in scholiis ad uersum 543 Libr. I,
itemque ad uersum 285 ciuid. Libr. I, quem locum
iam excitauit Vir Celeberr. Ioh. Salomo Semlerus Misella-
nearum Lectionum fasciculo II. Cap. IIII, p. 30. Vnde
haud mirum est, bonos poëtas uaria honorum genera et
laudis titulos, passim nactos esse. Quo referendum est,
certos septenos poëtas Graecos olim Pleiadem siue Pleia-
des, h. e. fulgentes stellas, dictos esse, in quibus etiam
a quibusdam ponitur APOLLONIUS Rhodius. De quibus
Pleiadibus poëtarum graecorum in praesenti paucis agere
constituimus.

§. I.

Meminere Pleiadum poetarum uarii ueteres scriptores. De Pleiade
E Graecis ad testimonium iam citamus ΗΕΡΗΑΣΤΙΟΝΕΜ de Tragico-
metris, qui p. 30. haec habet: Φίλικος δὲ ὁ κερκυραῖος, εἴς ὧν corum,
τῆς πλειάδος, ἔχαμέτρῳ συνέθηκεν ὅλον τοίηνα. H. e. Philicus ue-
ro Corcyraeus, unus ex Pleiade, hexametro totum suum composuit
carmen. Quac p. 32 in scholiis ita collustrantur: Ἐπτα γάρ
λέγονται εἶναι τραγῳδοί. διὸ καὶ πλειάδος ἀνομάσθησαν. ὃν εἴς ἔστι γάρ
ὁ Φίλικος. Ἐπὶ Πτολεμαῖς δὲ γεγόνασιν ἔτοι πλειάδοι τεχνικοί. εἰσὶ δὲ
ἔτοι, Ὁμήρος πεύτερος, Σωσίθεος, Λυκόφρεων, Αλέξανδρος, Φίλικος,
Διονισιάδης, Λιαντιάδης. I. e. Septem enim esse dicuntur poetae
tragici, quae de causa ipsis nomen Pleiadis inditum est, et horum
nūns est Philicus. Qui Ptolemai aetate gloria scribendarum

tragoediarum, omnium maxime floruerunt, et hi sunt: Homerus recentior, Sositheus, Lycophron, Alexander, Philicus, Dionysides, Aeantides. Pag. autem 93 in scholiis ad HERAESTIONEM haec reperiuntur: Ἐπὶ τῶν χρόνων Πτολεμαίων τῷ Φιλαδέλφῳ ἐκτὰς ἄριστοι γεγόνασι τραγικοί, οὓς πλειάδας ἐκάλεσαν, διὸ τὸ λαμπὲν εἴναι ἐν τῇ τραγικῇ, ὡς περ ἀσχετὸν τὰ ἐν τῇ πλειάδι, εἰσὶ δὲ οὗτοι, Ὅμηρος ἥχο ποιητής, ἀλλ' οὐος Ὅμηρος τῆς Βυζαντίας ποιητρίδος, καὶ Σωσίθεος, καὶ Λυκόφρων, καὶ Ἀλέξανδρος, καὶ Αιαντίδης, καὶ Σωσιφάνης, καὶ Φιλίσκος. H. e. Tempore Ptolemaei Philadelphī septem nobilissimi claruerunt poetae tragici, quos Pleiades nominarunt; quod arte docendae tragédiae ita erant illustres, ut stellae in Pleiade. Quis hi sunt: Homerus non ille Poeta, sed filius Myrus, Byzantinae Poetriae, Sositheus, Lycophron, Alexander, Aeantides, Sosiphanes et Philicus.

§. II.

Obserua-
tiones in
§ antece-
dente.

De quibus scholiis notandum est, pro νῖος ὅμηρος exsta-
re debere, νῖος Μυρᾶς: Gerardus Ioh. Vossius quidem institu-
tionum poëticarum lib. II. cap. 12. §. 9. p. 54, pro uerbis
νῖος Μυρᾶς legendum dicit ὁ Μυρᾶς: pro Ὅμηρος, inquit, ut usulo
legitur, ὁ Μυροῦς rescribi oportere, ex Suida constat in Σωσίθεος.
Iohannes Cornelius uero de PAVW in animaduersionibus in Hephae-
stionis enchiridion p. 187 ita de hoc loco statuit: ἀλλ' νῖος
Ὅμηρος τῆς Βυζαντίας ποιητρίδος.) Haud dubie legendum est, ἀλλ' νῖος
Μυρᾶς τῆς Βυζαντίας ποιητρίδος: iunge modo Suidam in Voc. Μυρῶ,
Ὅμηρος et Σωσίθεος. Alia praetereo; res est satis nota in hac lit-
terarum luce. Quamquam autem utraque haec emendatio
et voissii et de PAVW rei sufficit, neque ignotum est, recte
dici φωνίων δε τῷ φώνῃ ab AELIANO Libr. II. c. 16, itemque
πλάτων ὁ Ἀρίστων ab eodem ib. c. 30: credimus tamen de PAVW
emendationem stilo scholiastrarum conuenientiorem esse;
quum u. g. in uita Aeschylī legamus: Αἰχύλος - - νῖος ἕυφο-
ρίων, et in uita Sophoclis: Σοφοκλῆς - - νῖος δε Σοφίλης etc. Ne-
que

que adeo necesse est, ut cum SCHOTTO Obs. humanarum lib.
II. c. 3. p. 35, ubi de Pleiadibus poetarum Graecorum agit,
legamus: ἀλλ' ἡ νῖος Μυρᾶς. Porro pro DIONYSIADES in STRA-
BONE, ut deinde patebit: DIONYSIDES, legitur, itemque pro
AEANTIADES, alias occurrit AEANTIDES, ut videbimus. Ac
tandem pro PHILISEVS legendum est PHILICVS. Licet
enim etiam SVIDAS hunc poëtam non PHILICVM, sed
Philiscum uocet, certum tamen est, ex uersu ipsius PHILICI,
ipsi PHILICVS nomen fuisse. SVIDAE uerba, uoce φιλίσκος
haec sunt: φιλίσκος κερκυραῖος, φιλώτης οὐος, τραγικός, καὶ ἵερεὺς τῷ
Διονύσῳ ἐπὶ τῷ Φιλαδέλφῳ Πτολεμαίων γεγονός. Καὶ αὐτὸν τῷ φι-
λίσκου μέτρον πεσμηγορένθη, ἐπέκπερ ἀυτῷ ἐγεδαψιλένετο. εἰσὶ δὲ
τῆς δευτέρας τῶν τραγικῶν ὅτινές εἰσι ζ'. οὐαὶ ἐκλήθησαν
πλειάδας. αἱ δὲ τραγῳδίαι ἀυτῷ εἰσι μβ'. I. e. Philicus Corcyraeus,
Philotae filius Tragicus, et Sacerdos Bacchi; qui sub Ptolemaeo Phi-
ladelpho uixit. Ab hoc Philiscum metrum appellatum est, quod
illo frequenter ueteretur. Est autem ex secundo Tragicorum ordine,
qui septem numero sunt, Pleias appellati. Tragediae eius sunt
XLII. In Hephaestione uero p. 31 haec existant: τότο δε καὶ
ἀλαζονένεται ἐυρενέναι φίλικος λέγουν:

ΚαινογραΦῆς συνθέσεως τῆς Φιλίκης, γερμανικοῖς, δῶεσ φέρει
πρὸς ημᾶς.

I. e. Hoc autem (metrum) gloriatur se reperisse Philicus, dicens:
Nonne compositionis Philici, grammatici, uobis offero dona. Quum
enim in hoc uersu choriambico secunda syllaba uocis PHI-
LICVS breuis sit, dubio caret, poetam hunc Philiscum dici
haud potuisse. Cf. VOSSIVM de Poetis Graecis p. 218; KVSTE-
RVM ad SVIDAM tom. III, p. 602, et FABRICIVM BIBL. Graecae
L. II. c. 19. p. 653. Nominavit quoque huic Poetam, PHILI-
CVM, TZETZES, ut deinde apparebit. Male itaque SCHOT-
TOVS obs. human. p. 36. putat uerum nomen Poetae huius fuisse
PHILISCVS. Nomina, inquit, mire uariant. Nam quod hic (in
Tzetze)

Tzetze) Φίλικος legitur, operarum puto mendum, et Φίλισκος repoenundum. Recete itaque hoc metrum a PLOTIO de metris p. 2655 uocatur Philicum, s. potius Philicium, ubi haec legimus: De Hexametro catalecticico Philico. Hexametrum catalecticum choriambicum quod Philicum dicitur, constat quinque choriambis, sexto pede, i. e. nouissimo, amphibrachy:

Te posui Bacche pater, teque decens canto Venus, qui modicos amatis.

Sortitum tamen est hoc metrum et alia nomina, quae omnia corrupta esse dicere non audemus, sed putamus in hac re uecteres uariasse et errasse. Ita hoc metrum Phrynicium est dictum a MARIO VICTORINO lib. II. p. 115, ubi de metro choriambico haec exstant: Quod genus si Hexametrum sit, Phrynicium de auctoris tragoeiographi nomine nuncupabitur, aptum canendis laudibus Cereris et Liberi, ut est:

Frugiferae sacra deae, quae colitis mystica sunt nota Ioui potenti.

Phalaecium hoc metrum dixit TERENTIANVS de metris p. 2424; ubi de hoc choriambo tetrametro loquitur:

Nulla meo iam sedeat turba profana luco,
et ita canit:

Nulla meo pes efficitur geminatus utroque,
Iam sedeat, choriambos; item mox: turba profa, pes
Tertius accedit similis: pars illa, na luco,
Bacchius aduersus fiet pes: nam breuis ante est,
Et geminac longae: fit catalexis in istum;
Quia non eiusdem generis deprehensus in imo est,
Ut docui; nec enim cludit choriambus honeste.
Hoc Cereri metro cantasse Phalaecius hymnos
Dicitur. Hinc metrum dixerunt Phalaecion istud.

Quem-

Quemadmodum enim hic TERENTIANVS perhibet PHALAECIVM hymnos metro choriambico Cereri cecinisse, ita id ΗΕΡΗΑΕΣΤΙΟΝ p. 30 et seq. de PHILICO narrat, ubi ait:

Φίλικος δὲ ὁ Κερηνυράῖος ἐις ἀν τῆς ωλειάδος, ἔχαμέτρῳ συνέθηκεν ὅλον ποίημα.

Τῆς θαυμή μυσικὰ Δήμετρί τε καὶ Φεργεφόνη καὶ Ελυμένω τὰ δῶρα.

I.e. Philicus uero Corcyraeus, unus ex Pleiade, hexametro composuit totum carmen:

Terrestri mystica et Cereri et Proserpinae et Plutoni dona.

Quem uersum ATILIUS FORTVNATIANVS p. 2678 Phalaeco adscripsit, et Latine interpretatus est: Phalaecius, inquit, uersus ex duplice pede constat, quem Bacchion musici, choriambicon grammatici uocant. Habet longam et duas breues, et longam, i. e. trochaicum et iambum. Hoc autem Phalaecus conscripsit hymnos Cereri et Libero, tali genere metri, quod scilicet est deorum conuenire uenerationi creditit. Apud nostros hoc metrum non reperio; exemplum eius tale est. Frugiferae sacrae Deae, quae colitis mystica, iunctaeque Ioui nefasto. Hunc hexametrum ex numero bacchio composuit Phalaecus, quo usus est etiam Archebulus: de quo Auctore supra retuli. Clusit autem antibacchio. Vbi lacuna . . . est, uerius Philici inculcandus est, quod iam VOSSIVS l. c. de poetis graecis monuit.

§ III.

Pleiadem quoque Poetarum Graecorum recenset ISAACIVS De alia TZETZES, siue potius eius frater, IOHANNES TZETZES, (uid. FRERICIVM bibl. Graecae lib. III, p. 419.) qui IOHANNES TZETZES in uita LYCOPHRONIS haec de hoc genere affert: ὁ Λυκόφρων εὗοστι τῷ μὲν γένει ἦν χαλχιδεὺς, νιὸς Σωκλέας ἡ Λύκη, τῷ ισοριογράφῳ, κατὰ τίνας. ἦν δὲ εἰς τῶν ἑπτὰ ποιητῶν, οἵτινες, διὰ τὸ ἑπτὰ εἶναι τῆς

τῆς ἀλειάδος ἐλέγοντο. ὃν τὰ ὄνοματα. Θεόκριτος, ὁ τὰ Βυζαντία,
Ἀρατος, ὁ τὰ Φαινόμενα γερίψας, καὶ ἔτερος. Νίνανδρος, Αἰαντίδης,
ἢ Ἀπολλώνιος, ὁ τὰ Ἀργοναυτικά. Φίλικος, Ὁμηρος ὁ νέος τεχνικός.
Ἔστι γὰρ καὶ ἔτερος Ὅμηρος, ὃ περ ἐγώ τὸν Ἡσίοδον νομίζω ἰσόχρονον,
καύστερ τὰ τὰ παλαιά Ὅμηρος μετατρέχωσιν εἰς αὐτὸν,) ὁ Ἀνδρομάχη,
Βυζάντιος, δράματος ποιήσας νῦν, καὶ ἔτος ὁ Δικόφρων. καὶ ἔτερος
μὴ ἐδότες, ἀλλὰς Φασὶν ἔνοια τῆς ἀλειάδος. οἵσαν δὲ ἔτοις ἐν χρόνοις
Πτολεμαῖς τῷ Φιλαδέλφῳ καὶ Βερενίκῃ. H. e. Lycophron, hic ge-
nere quidem erat Chalcidensis, filius Soclis aut Lyci, historiogra-
phi secundum nonnullos. Erat autem unus septem Poetarum, qui
quod septem erant, Pleiadis esse dicebantur. Quorum nomina:
Theocritus, qui bucolica; Aratus, qui Phænomena scripsit, aliaque.
Nicander, Aeantides, aut Apollonius, qui Argonautica, Philicus,
Homerus recens tragicus; (est enim hic alias Homerus, quem ego
aequalem Hesiodo puto, quamvis prisci Homeri poemata huic tri-
buant) Andromachi filius, Byzantius, qui Dramata edidit 57,
et hic Lycophron. Et si alii rem nescientes, alios dicunt esse Pleia-
dis. Floruerunt autem hi temporibus Ptolemaei Philadelphri, et
Berenices. Ita haec leguntur in editione apud PAVLLVM STE-
PHANVM Genuae 1601, ordine quarto, edita; sed rectius mo-
nente POTTERO, pro uerbis: μετατρέχωσιν εἰς αὐτὸν, secundum
Mfl. legitur: μετατρέπωσιν τινες εἰς αὐτὸν, quum μετατρέχω sit
uocabulum inusitatum, nec sensum conuertendi et tribuen-
di ex notatione habeat.

§ III.

Porro de Pleiade tracæ Graecorum. In uoce Ὅμηρος. Ὅμηρος, Ἀνδρομάχη καὶ Μυ-
ρῆς Βυζαντίας, γερμανικὸς καὶ τεχνικῶν ποιητής. διο συνηριθμή-
θη τοῖς ἐπτά, ὃ τὰ δευτερεῖα τῶν τεχνικῶν ἔχει, καὶ ἐπιληφθον
τῆς ἀλειάδος. ἡμιαζεν διληπτιάδη ἐκδ. ἔγραψε δὲ τραγωδίας μέ-
τις. I. c. Homerus, Andromachæ, et Myrus Byzantiae filius, gramma-
ticus

ticus et Poeta tragicus. Quamobrem septem illis annumeratus
est, qui secundum inter tragicos locum obtinent, et Pleias cognominantur. Floruit Olympiade CXXIV. Scripsit tragedias XLV; itemque in uoce Σωσίθεος. Σωσίθεος, Συρακύσιος ἢ ΑΘηναῖος,
μᾶλλον δὲ Ἀλεξανδρεὺς, τῆς Τρωικῆς Ἀλεξανδρείας τῶν τῆς ἀλειάδος
εἰς, ἀνταγωνιστὴς Ὅμηρος τῇ τεχνικῇ, τῇ ώρᾳ Μυρῆς τῆς Βυζαντίας.
ἀκμάσας πατὰ τὴν ἐξδιδούσαν ποιησίαν, γερίψας δὲ ποιήσατα, καὶ κα-
ταλογάθη. I. e. Sositheus Syracusanus, aut Atheniensis, vel
potius Alexandrinus, (Alexandria nimirum Troica oriundus) unus
ex Pleiade, aemulus Homeri Tragici, filii Myrus Byzantiae, qui
floruit Olymp. CLXIII. Scripsit Poemata; item alia, oratione pro-
sa. De Olympiade in qua uixit SOSITHEVS, KVSTERVS hanc
notam habet: Pearsonius numeros hos suspectos habebat, scriben-
dumque potius censembat εκ' d. i. e. CXXIV, quod forsan uerum est.
Fuit enim Sositheus hic aemulus Homeri tragicī, qui, ut ipse Suidas
supra suo loco testatur, Olympiade CXXIV floruit. Porro SVIDAS
idem facit in uoce Δικόφρων. Δικόφρων Χαλκιδεὺς, ἀπὸ
Ἐυβοίας, ώρὶς Σωκλέας, θέσει δὲ Λύκη, τῇ Εργίᾳ. γερμανικὸς
καὶ ποιητὴς τεχνικῶν. ἐστι γνώσις τῶν ἐπτὰ, ὅπινες ἀλειάδη-
σαν η. τ. λ. i. e. Lycophron, Chalcidensis, ex Euboea, filius Soclis,
adoptione uero Lyci Rhegini; grammaticus et poeta tragicus, unus
de septem, qui Pleias appellantur etc. et praeterea dictione Ale-
xander Aetolus. Ἀλέξανδρος Ἀιτωλός. ἐπὶ πόλεως Πλευρῶνος. ώρὶς
Σωτύρης καὶ Στρατοκλέας γερμανικός. οὗτος καὶ τεχνικῶν ἔγρα-
ψεν. ως καὶ τῶν ἐπτὰ τραγικῶν ἔνα κριθῆναι, ὅπερ ἐπειληφθον
η ἀλειάδη. Alexander Aetolus, ex urbe Pleurone, Satyri et Stra-
toclae filius, grammaticus. Hic etiam tragedias scripsit, ita ut
etiam septem Tragicis (qui Pleias cognominati fuerunt) accensere-
tur. Ac in uoce PHILISCVS, uid. §. 2 huius disserr.; et tandem
uoce Sosiphanes: Σωσίφανης, Σωσικλέας, Συρακύσιος, τεχνικός.
ἐδίδοξε δεσμάτα ὡς. ἐνίκησεν δὲ ζ. ἐστι δὲ καὶ αὐτὸς ἐπὶ τῶν ζ. τεχ-
νικῶν, ὅπινες ἀλειάδησαν ἀλειάδη. ἐγένετο δὲ ἐπὶ τῶν τελευτῶν
χρόνων

χρόνων Φιλίππων, οἱ δὲ Ἀλεξανδρός τῷ Μακεδόνος, τελευτῇ δὲ γὰρ ὀλυμπιάδι. οἱ δὲ εἰδ. οἱ δὲ αὐτοῖς αὐτὸν γε φέσι - - Sosipha-nes, Soficles filius tragicus. Docuit fabulas LXXIII, uicit septies. Est autem et ipse unus septem illorum Tragicorum, qui Pleias uocati sunt. Vixit sub extrema tempora Philippi; uel ut alii, Alexandri Macedonis. Obiit autem Olymp. CXI, uel secundum alios CXIV. Alii uero eum floruisse scribunt - - Finis uer-
borum SVIDAЕ deest.

§. V.

De Pleia-
dibus plu-
ra. Faciunt praeterea mentionem Pleiadum poetarum, sed mutile STRABO, l. XIII p. 992, seq. Γραμματικοὶ δὲ ὡν καὶ συνγράμ-
ματά εἰναι, Ἀρτεμίδωρος τε, καὶ Διόδωρος, ποιητὴς δὲ τραγῳδίας
ἀριστος τῶν τῆς Πλειάδος καταγεγραμμένων Διονυσίδης. I. e. Gramma-
tici autem, quorum scripta exstant, Artemidorus et Diodorus;
poeta uero tragicus optimus eorum qui Pleiadi annumerati sunt,
DIONYSIDES. Pro quo DIONYSIDE Scholia HEPHAESTIONIS habent
DIONYSIADEN. uid. §.I. huius diff. item ATHENAEVS Deipnos. l. XIII.
p. 664 his uerbis: μάχαν δ' οἱ Σικυώνιος τῶν μὲν κατὰ Απολλώδο-
ρον τὸν Καρύσιον καμάδοποιῶν εἰς εἴσι καὶ ἀντὸς - - ην δ' αὐγάθος
ποιητὴς, εἴ τις ἀλλος τῶν μετὰ ταῦτα ἐπέτα. I. e. Machon Sicyonius,
unus ex Comoediariis scriptoribus, quos recenset Apollodorus Ca-
rystius . . egregius Poeta, si quis alius, post eximios illos septem.
Tandem quoque memoratur Pleias tragica in ιστοριῶν συναγω-
γῇ apud SCALIGERVM in Thesauro temporum ad Olymp. CLXIV,
p. 338, col. 2: Σωοίδεος Συρακύσιος, η Ἀθηναῖος, μᾶλλον δὲ
Ἀλεξανδρεὺς, τῆς Τρεινῆς Ἀλεξανδρείας τῶν τῆς πλειάδος εἰς ἥπατε.
I. e. Sofitheus Syracusanus, aut Atheniensis, aut potius Alexan-
drinus, Troiae Alexandriae, unus Pleiadicis floruit. Quae cum
iis fere eadem sunt, quae ex SVIDA ante de SOSITHEO pro-
tulimus. Laudant quoque scholia THEOCRITI, quasi in iis
Pleias aliqua poetica recenseretur, unde FABR. in bibl. Gr.
libr. II.

libr. II, c. 19, p. 632: Aeantides, inquit, in Pleiade Poetarum
Tragicorum refertur a Scholiaсте Hephaestionis p. 93 et 32, ab
Isaacio Tzetza, ubi genus Lycophronis recenset, et a Scholiaсте
Theocriti, quem in hanc rem laudant post Gyraldum dialog. 7, de
Poetis, Delrio proleg. ad Senecam p. 23. Andreas Schottus libr. II
Obseru. hum. c. 3. Menagijs ad Laertium libr. II, sect. 133; et
Vossius de Poetis Graecis p. 64. Sed in nostris editionibus ho-
rum scholiorum nihil tale exstat. vossius quidem l. c. p. m.
218 ait: Sed aliter Scholiaste Theocriti, qui ex septem memo-
ratis omittit Nicandrum, et Callimachum, proque iis reponit Aeantidem et Philicon. Sed certe in ipsis scholiis THEOCRITI neque
AEANTIDES neque PHILICVS occurunt; uid. FABRIC. bibl. gr. l. III
c. 17, p. 440 seq. Neque profecto eiusmodi Pleiadem in suis
libris THEOCRITI legit IOHANNES BRODAEVs qui, arbitro LIPSIQ,
p. 543 ad Taciti Germ. fuit, uir sine adolescens potius, acris in-
genii, probi iudicii, lectionis diffusae, quum is in miscellaneorum
libris sex haec Scholia aliquoties citet u. g. l. I, c. 24, p. 29; et
ib. c. 37 etc. et tamen deinde lib. V c. 15 scribat: STRABO
ὄρος Βεστίον appellat. Idem lib. I'd circa finem: ην δ' αὐγάθος
ποιητὴς, εἴ τις ἀλλος τῶν μετὰ ταῦτα ἐπέτα. Graeci hos septem in-
signes Poetas tragicos, (quorum adhuc nomina quatuor) a pari stel-
larum numero Plesada vocant.

§. VI.

E Latinis nobis solus STAVS notus est, qui Pleiadis, Adhuc de
eiusque tragicae meminit libr. V Syluarum epicedio in Pa- Pleiade
trem u. 92 seqq. ubi canit: tragica.

Quis honor Aonios fero pede ducere campos
Et quibus Arcadia carmen testudine mensis
Cyda labor, nomenque fuit: quosque orbe sub omni
Ardua septena numerat sapientia fama?
Qui furias, regumque domos, auersaque caelo
Sidera terrifico super intonuere cothurno.

DOMITIVS quidem CALDFRINVS in suis notis ad hunc locum STATII putauit, poetam hic de septem Graeciae sapientibus agere; at recte hos uersus SCHOTTVS l. c. de Pleiade Poetorum Tragicorum exposuit. Domitius, inquit, cetera non intendigens; quia de VII illis Graeciae sapientibus accipit, frustra est. Non enim de Philosophis hic, sed de Poetis agi, praesertim a Poeta in funere Poetae patris constat: quod et cothurnus ipse, sequentiaque facile euicerint, et sapiens semper habitum est genus Poetarum. Cui accedit CASPAR BARTHIVS p. 473 commentarii sui in adductum STATII locum: Septem, inquit, Sapientes ait Domitius, omni aeuo famigeratissimi. - Sed uerius est Pleiadem Graecorum Tragicorum a Papinio intelligi; qui eodem numero post Aeschylum, Sophoclem, Euripidem floruerunt. Alii a nouem LYRICIS, cum quorum aliquibus tamen confunduntur. Alii etiam a Pleiade alia, Lycophronem, Aratum, Nicandrum, Aeantidem, Apollonium, Philiscum, Homerum iuniorem, complexa. A quibus duobus uiris non dissentit VOSSIVS instit. poet. lib. II, c. 12, §. 9.

§ VII.

Ex his iam clarum est, duas potissimum Pleiades Poetarum Graecorum a ueteribus commemorari, alteram Tragorum, alteram uero Poetarum uarii generis. Tragici sunt: Homerus recentior, Sositheus, Lycophron, Alexander, Philicus, Dionysides, s. Dionysides et Aeantides. §. I huius diff. Quam sententiam tuentur scholia HEPHAESTIONIS, nisi quod altero loco pro DIONYSIDE habeant SOSIPHANEM. Tragicam Pleiadem etiam commemorauit STRABO §. V huius diff. STATIVS §. VI, et SVIDAS §. IV, a quo hi sex tragici nominati sunt: Homerus recens, Myrus filius, Sositheus, Lycophron, Alexander, Philicus, s. Philicus et Sosiphanes, omillis DIONYSIDE et AEANTIDE. Contra ea TZETZES recensuit et Pleiada dixit septem

Poetas

Poetas uarii generis carminis, quorum nomina sunt: Theocritus, Aratus, Nicander, Aeantides, aut Apollonius Rhodius, Philicus, Homerus recens tragicus. § III. Cum quo sensisse uidetur ATHENAEVS, quia alias MACHONEM, comicum, si meros Tragicos pro Pleiade habuisset, ei uix adiunxisset.

§ VIII.

In hac antiquitatis uarierate mirum haud est, recentiores in sententiis suis de Pleiadibus Poetarum Graecorum in diuersa abire, et alias HEPHAESTIONIS scholia, alias TZETZENI, alias uero nihil decidere, sed utramque Pleiada coniungere et admittere. Sic cum TZETZE sentit HENRIC. STEPHANVS tom. V. thes. sui p. 1674: unde, inquit, et Poetarum illa Pleiades apud Lycophronis scholiasten septemplex est, hoc est, septem Poetas insigniores, qui uno tempore floruerunt, continens, nimirum Theocritum, bucolicorum auctorem, Aratum, qui Phaenomena scripsit, Apollonium, qui Argonautica, Aeantidem, Philicum, Homerum iuniorem, tragicum, et Lycophronem. In eadem sententia est TAN. FABER dans les vies des Poetes grecs en abregé, p. 141, ubi ita disputat: „Ces Etoiles donc (pour revenir à „nos Etoiles) ont donné leur nom à sept Poëtes Grecs, dont il „faut aujourd’hui Vous faire un chapitre, qui apparemment „doit être un peu long; Si ce n'est que la variété Vous le „rend plus court. Mais d'abord, il est à propos de Vous aver- „tir d'une chose, c'est que tout le monde ne convient „pas du nom, de ces Poëtes. Car quelquesvns ont crû, „que la Pleiade comprenoit sept Poëtes Tragiques, qui pa- „rurent plus que les autres du tems de Ptolemée Philadelphe, „Roi d’Egypte; et voici leurs noms; Sosithée, Lycophron, „Alexandre, Aeantide, Sosiphanes, Philicus, ou Philiscus, et Ho- „mère surnommé le jeune: Mais quelques autres (et c'est au sen- „timent de ceux-là que je me range, sans examiner bien „exacte-

„exactement, s'ils ont raison, ou s'ils ne l'ont pas) estiment, „que ces Poëtes Etoiles sont Theocrite, Nicandre, Lyco- „phron, Callimachus, Apollonius, Aratus et Homere le „Tragique, ou Homere le jeune.“ Contra alii scholia HE- PHAESTIONIS in hoc genere magis probant, quo pertinet GVIL. CANTERV, qui in *Prolegomenis in LYCOPHRONEM* ait: *Floruit (Lycophren) sub Ptolemaeo Philadelpho, Lagi filio, magna eruditionis et poeticae facultatis gloria, sic ut inter septem tragicos sui temporis praestantissimos (iis Pleiadum nomen, propter numeri aequalitatem fuit inditum) omnium calculis relatus fuerit. Eos septem Poetas fuisse tradunt Homerum iuniorem, Sositheum, Alexandrum, Philiscum, Sosiphonem, Acantidem, Lycophronem; quamvis enim ab aliis alii ponantur, eisdem Hephaestionem grammaticum recte mihi sequi videor. Alii demum in hac re nullarum partium sunt, sed utramque Pleiadem retulisse sunt contenti, uti SCHOTTVS, qui l. c. p. 35, de hac re scribit: Nos variantes Graecorum hominum sententias, et quasi diribendo suffragia collegisse contenti, aliis iudicandi partes relinquemus. Sic quoque FABRICIVS bibl. graecae libr. II cap. 19, p. 654 sey. utramque Pleiadem, nulla reiecta, profert. Quod autem loco hoc p. 655 scribit: Fuisse etiam uidetur Pleias Poetarum Comicorum, ex quibus Machonem Sicyonium laudat Athenaeus sub extremum lib. XIII; id ex uerbis Athenaei non efficitur, neque Machon ex Pleiade aliqua fuisse ibi dicitur; uid. §. V.*

§. VIII.

Nostra de his Pleiadibus sententia est, Pleiadem tragicam, eamque cum aliqua uarietate olim in primis fuisse celebratam, neque tamen et alteram uarii generis Poetarum fuisse nullam; id quod loca supra allata facile confirmant. Probabilis sine dubio est ratio, septem tragicos simul
De his
Pleiadibus
nostra sen-
tentia.

Sicut ob præstantiam fuisse celebratos, quum autem de præstantia alicuius Poetae non semper idem sit iudicium, haud mirum est, neque scholiis HEPHAESTIONIS inter se plane conuenire, neque svidam omnino cum iis consentire. Neque necesse esse censemus, ut, quod dicti Tragici non omnes uno tempore uixerint, ideo aliquem, quem tamen prisca testimonia in Pleiade locant, ex ea eiiciamus; quod FABRICIVS l. c. p. 655 facit, ubi ait: Sositheus, quem Suidas quoque unum e Pleiade fuisse testatur, non minus quam Sosiclem Syracusanum, in quo tamen fallitur, ut infra suo loco notaui. Ceterum et numerus Olymp. aetatis SOSITHEI PEARSONIO suspectus fuit, uid. § IV huius diss. et pro SOSICLE KVSTERVS in SVIDA uoce SOSIPHANES, ex Ms. restituit SOSIPHANES. Cum SVIDAE tamen vulgata lectione Olymp. SOSITHEI conuenit locus ex historiarum collectione in thesauro temporum Scaligeri § V huius diss.; et eandem Olympiadem pro aetate SOSITHEI retinuit IOHANNES MEVRSIVS in biblioth. Aetiacae libro VI. uoce Sositheus. Sic et nouem Lyrici, ALCAEV, SAPPHO, STESICHORVS, IBYCVS, BACCHYLIDES, SIMONIDES, ALCMAN, ANACREON, et PINDARVS ob præstantiam copulati sunt, licet ipsi uno eodemque tempore haud floruerint. Et apud Arabas celebrantur septem Moallakat, siue carmina suspensa, quorum scriptores fuerunt AMRALKEIS, TARAPHA, ZOHEIR, filius ABI SOLMA, LABID BEN RABIA, alias ABV OKEIL dictus, ANTARA BEN SHEDDAD, AMRV BEN KELTZVM, et HARETZ BEN HELTZA. Conf. Vir celeberr. et omnibus elogiis maior, IOH. IACOB. REISKE, in prologo TARAPHAE, itemque IOSEPHVS SIMONIVS ASSEMANVS in dissert. ad Chronicon Orientale Petri Rahebi, qui eos p. 247 ita recenset: Sunt autem illi Poetæ I. Amr-al-Cais, filius Hagiar, filii Amri, Candaeus, Arabum Candaeorum rex. 2. Lebid, aliis Labid, filius Rabiae, pater Okail, Amrita. 3. Zabair, Herbelotio Dhohair, filius Abi Salmae Mozenita; 4. Tarapha,

pha, qui et Amrus, filius Abdi Bacrita, s. Amrus filius Cathumi, Thaalabensis, 6. Antara, filius Scedadi, Absita, 7. Arethas, filius Halyae, Asaarita, seu Iascarensis, qui et Amrus filius Arethae. Nonnulli pro Aretha et Antara inter septem Poetas substituunt Aschi et Nabegah. Alii Nabegat uolum cognomentum esse Amri filii Maauiae Daibanitae (imo Dobianitae) quem Arethae loco habent. Qui tanquam Poetae Epicci Arabum ita coniungebantur. Vid. REISKVS l. c. p. 17. Sic quoque quinque Graeci iuncti fuere, de quibus TZETZES in *Exegese Hesiodi* p. 2 scribit: ποιηταὶ δὲ ἀνωγύρως οὐκάντες εἴδοχον ἐκένοι παλεύονται, ώσπερ χαρακτηρίζει ταῦτα τὰ τέσσαρα, μεγρον ἥρωιν, μῆδος ἀληγορικός, ισορία, οἵτοι παλαιὰ ἀφήγησις, οὐκ ποιὲ λέξις, οἵτοι ἥρωιν, οὐκ ἀξιωματική, οὐκ τῷ ἥρωιν μέτρῳ ἀρμέζουσα, ἀλλὰ μηδηποτετριμένη καὶ χθαναλή, μᾶλλον δὲ ἐκ τῶν τεσσάρων τέτον, ἡ ἀληγορικὸς μῆδος τὸ πυριώτατόν ἐστι τῶν ποιητῶν χαρακτήρων. γεγόναστι δὲ τέτον τῶν ποιητῶν ἀνδρεῖς ὄνομασι πέντε. Ὁμηρος ἡ παλαιὸς, Ἀντίμοχος ἡ κολοφώνιος, Πανύσσις, Πείσανθρος, οἱ Καμειρεὺς, οὐκ ἡ Ἀσπερδίος, οὗτος Ἡσιόδος, ώσπερ ἐπεζηγεῖσθαι τὴν Βίβλον ἐπεβαλόμενος. I. c. Poëtae uero sine addito nomine et per excellentiam illi vocantur, quos quatuor haec signant: metrum heroicum, sermo allegoricus, historia, siue præsa narratio, et eximia dictio, siue heroicæ, et dignitate constituta, ac metro heroicō apta; non autem contrita et humilis. In primis uero ex his quatuor, sermo allegoricus maxime proprius est poetarum character. Fuere uero horum Poetarum uiri celebres quinque: Homerus priscus, Antimachus Colophonius, Panyasis, Pisander Camiraeus, et Ascreus hic Hesiodus, cuius librum explicare instituimus. Ex his tamen PANYASIDEM HOMERO statim tamquam secundum subiungit SVIDAS uoce PANYASIS. Ἐν δὲ ποιητοῖς τάττεται μετ' Ὁμηρον; inter Poetas secundus ei post Homerum tribuitur locus. Atque adeo bene recteque censet Vossius, qui de Poetis Graecis p. 218,

col. 2:

col. 2: Porro, inquit, haec diuersitas scriptorum partim ex eo, quod alii Poetarum ἀπολογοῦσι, alii tragicorum πολειάδα, recensent; partim ex iudiciorum diuersitate, qua aliud alii praferrent.

§ X.

Habent uero haec Pleiades poeticae nomen ab astro Pleiade, quod ARATVS p. 34 ita canit:

"Αγχι δὲ οἱ σκαιῆς ἐπιγονίδες ἥλιθα πᾶσαι
Πληιάδες Φορέονται. - -
- - ἔπτα δὲ πενταὶ ἐπιφέρηδην παλέονται
Ἄλκισόνη, Μερόπητε, Κελαινώτ' ἡλέκτρυττε
Καὶ Στερόπη, οὐκ Τηγύετη, οὐκ πότνια Μαῖα.

I. c. At ei prope finistrum genu aceruatim omnes Pleiades feruntur. - -

- - porro septem illae nominatim vocantur:
Alcyone, Meropeque, Celaenoque, Eleceraque,
Et Sterope, et Taygeta, et ueneranda Maia.

Quemadmodum autem ARATVS hoc astrum numero multitudinis extulit, ita idem fecit Poeta ll. o' u. 486:

"Εν δὲ τὰ τείρσα πάντα, τὰ τ' ώρανδες ἐσεφάνωται
Πληιάδας θύαδαστε, τότε σθένεος Ὁρίωνος.

Finxit et sidera omnia, quibus caelum redimitum ornatur,
Pleiadasque, Hyadesque, roburque Orionis.

Vid. et Odyss. e'. u. 272.

Idem fecere Poetae Latini, u. g. MANILIUS libr. I, p. 12, u. 20.

Pleiades, Hyadesque, feri pars utraque Tauri
In boream scandunt. Et lib. V, p. 113, u. 19 seq. etc.

C 2 Porro.

Vnde nomen Pleiadem Poetarum Graecorum?

Porro quoque CAESAR Germanicus, s. scriptor Arateorum
edit. IO. CONR. SCHWARZII, p. 52:

*Poplite sub laevo Tauri certissima signa
Pleiades suberunt.*

Sic quoque numero plurali dicuntur Pleiades in Geoponico libro I. sect. de stellarum apparentium ortu et occasu, p. 15: τῇ γερμνίᾳ τῇ Ἀπειδίᾳ, πλειάδες ἀπόνυχοι κρύπτονται: τῇ ίσῃ Ἀστριδίᾳ, πλειάδες ἐστέριοι κρύπτονται. τῇ καὶ Ἀστριδίᾳ, πλειάδες ἄμα ιδίᾳ ανατολῇ ἐστέλλοται. I. e. Nouilunio Aprilis Pleiades initio noctis occultantur; decimo sexto Aprilis Pleiades nespertinae occidunt. XXIII Aprilis Pleiades cum ortu solis prodeunt. Sed et numero unitatis hoc astrum extulit ERATOSTHENES catasterismo 14: τῷ δὲ ταύρῳ τῷ μέτωπον σὺν τῷ πεσσώτῳ αἱ γάδες παλέμεναι τεριέχουσι, πέρος δὲ τῇ αἰσθομῇ τῆς ράχεως οἱ πλειάδες εἰσιν, ἀσέρας ἔχοντας ἑταῖρα, διὸ καὶ ἐστάσερος παλεῖται. οὐκ ὄρανται δὲ εἰ μὴ ἐξ, οὐ δὲ ἐβδομος ἀριστρός εἴσι οὐφόρος. I. e. Tauri autem frontem et faciem Hyades occupant; ad spinæ excisionem Pleias est, septem habens stellas, quare et Septastris vocatur. Sex tantum ex his conspiciuntur, septima enim ualde obscura est. Hinc facile intelligimus scriptores ueteres, si de astro Pleiade loquuntur, lubentius numero multitudinis uti, et Pleiades dicere, neque tamen numerum singularem, Pleiadem respuere. Contra uero si de Pleiade Poetarum sermo est, saepius adhibent numerum unitatis, et Pleiadem dicunt, uti ex locis HEPHAESTIONIS, et scholio- rum eius, § I huius diff. itemque TZETZAE § III, SYLDAE, § III, STRABONIS, et isopliān συναγωγής, § V, clarum est; sed tamen et pluralem de hoc genere adhibent, § I huius diff. Quod etiam inde factum esse uidetur, quod de astro uno con- fusio oriri haud potuit, quoconque demum numero id profe-

proferebatur, sed potuisse de Poetis, quum plures una Pleiade eorum esset.

§ XI.

Nomen suum Pleias Astronomicā habere uidetur a mul- Etymolo-
titudine stellarum, licet alii aliam notationem hic edant. gia uocis
Ita VARINVS PHAVORINVS in Lexico p. 1515: πλειάδες, ὡς ἐν πλειόνων ἀσέρων θόρα, i. e. Pleias dicitur, tanquam pluribus stellis constans. Quae habet ex Etymologico magno, ubi uoce πλειάδες haec existat: πλειάδες ὡς ἐν πλειόνων ἀσέρων θόρα. πλειάδες, ἀπὸ τῆς Πληιόνης, θυγατρὸς μὲν Ὡκεανῆς, γυναικὸς δὲ Ἄτλαντος, λέγεται δὲ Πίνδαρος περὶ τῆς πατασερίσματος αὐτῶν, ὅτι τῆς Πληιόνης πορευομένης μετὰ τῶν θυγατέρων πατὰ τὴν Βοιωτίαν, συναντῆσαι αὐτῇ Ὁρίωνα. εἶτα ἐρχετεῖς, ὥρησε πέρος τὸ ἀρπάσαι. τὴν δὲ Φέυγοσαν μετὰ τῆς θυγατρὸς (leg. τῶν θυγατρῶν) οὐρίων ἐδίωκε. γενέσθαι δὲ αὐτῶν τὸν δρόμον πέντε ἐτῇ ἀδιάλειπτον. τὸν δὲ Δία, διὰ τὴν πανοπάθειαν αὐτῶν, οἷον μνήματα πατησείθαται ταῖς πλειάδας φευγόσας τὸν Ὁρίωνα, οὐς εἰσιν ἐνιαυτὸς. σημαντικὴ δὲ καὶ θέρευς καὶ χειμῶνος αὗται. ἡ παρὰ τὸ πλεῖον, οὐ σημαίνει τὸ πλήρες, γίνεται καὶ πλειῶν εἰς αὐτῶν ὁ ἐνιαυτὸς, ὃν δὲ πλήρης χρόνος. ἡ ἀπὸ τῆς πλειόνας χρόνος περιέχειν ἐν αὐτῷ. ἡ παρὰ τὸ πλεῖον, καὶ διέρχεσθαι πατὰ τὰς τεταγμένας χρόνους, καὶ ἐν τῷ αὐτῷ τόπῳ ἀνασρέφεσθαι, πλειῶν, καὶ συγκοπῆ πλειῶν. ἡ παρὰ τὸ πλεῖον γίνεται. καὶ γὰρ αἱ Πλειάδες σημαντικαὶ εἰσὶ τῇ ἐνιαυτῇ. δύνασται μὲν γὰρ τὴν ἀρχὴν τῇ ἐνιαυτῇ δηλῶσιν, αἰνατέλλεσαι δὲ τὸ τέλος. ὁ γένυται δὲ τὸ πλειῶν, ἐπειδὴ δοκεῖ περιεκτικὸν εἶναι. I. e. Pleias dicitur, tanquam pluribus stellis constans. Pleias a Pleione Oceani filia, uxore Atlantis. Dicit uero Pindarus de astro ipso- rum, Pleionae proficisci cum filiabus per Boeotiam occurrisse Orionem, atque in eam amore correptum, impetum fecisse rapienti- di caussa. Illam uero cum filiabus fugientem, Orionem persecutum esse; durasse uero discursum carum quinque annos continuo.

Iouem autem ob calamitatem illarum, tanguam signa astris inclisse Pleiades fugientes Orionem, qui est annus. Indices enim sunt aetatis et hiemis. Aut a uoce τάλειον, quae significat plenum, dicitur. Vnde τάλειον ab ipsis dicitur annus, quasi plenum tempus, aut quod plura tempora in se continet, aut quod permeat et transit statuta tempora, et in eodem loco uersatur τάλειον, et facta syncope τάλειον, aut a uoce τάλειος, nam Pleiades sunt signa anni. Occidentes enim initium anni indicant, orientes uero finem. Accedit autem uox τάλειον, quia uidetur esse communis. In scholiis ARATI ad locum ante § X citatum, haec de Pleiade leguntur: Φασὶ δὲ οἱ μῦθοι περὶ τῶν τάλειδῶν, ὅτι ἀπὸ Ἀτλαντος ἐγεννήθησαν, καὶ Πλειόνης τῆς τοῦ Ωκεανοῦ θυγατρός. οὐ δὲ Ἀτλαῖς μεθ' εἴ καὶ ὁ Προμηθεὺς, καὶ ὁ Ἐπιμηθεὺς ἐγεννήθησαν εἰς τοῦ Ωκεανοῦ καὶ κλυμένης τῆς τοῦ Ωκεανοῦ θυγατρός. γεννήθεισαι δὲ ἔτως ἀπὸ τοῦ Ἀτλαντος καὶ τῆς Πλειόνης ἀδιώκουτο τάντε οὐκαντεῖς κατὰ Βοιωτίαν, ὧτο τοῦ Ωρίωνος μετὰ καὶ τῆς μητρὸς αὐτῶν, συγγενέσαι ζητεῦτος αὐταῖς. καὶ τοῖς θεοῖς ἐυχάρισται πέρος τάλειάδας ἡμείφθησαν. ἐπειδὴ δικτέρας αὐταῖς ὁ Ζεὺς τῆς καποκαθείας ἐν τῷ θρανῷ κατησέρισεν. — ἀλληγορικῶς δὲ, "Ατλανταὶ νόησον τὸν ὄρεοντα, καὶ Πλειόνην τὸν ὠκεανόν. εἰς τέτοιν γενέσαι δοκεῖσι καὶ τάλειάδες, καὶ αἱ υἱόδες, καὶ τὰ λοιπὰ τῶν ἀστρῶν, ὅτι εἰς αὐτῶν ἀνερχόμενα φαίνεται. παλένται δὲ αἱ τάλειάδες τῷ ὄνοματι τέτω, ἀπὸ Πλειόνης τῆς αὐτῶν μετρός. η ἀπὸ τοῦ τάλειάδας γενέσθαι, Φευγάσας τὸν Ωρίωνα. η ἀπὸ τοῦ εἰς πολλὰ χρηστιμεύειν. σημαντικὴ γὰρ καὶ θέρεται καὶ στοάρχη. η ὅτε τάλησιν αἱλῆλων κείνται, παρὰ τὸ λαῖον γόνι τοῦ Περσέως. η ὅτι χεισμοί εἰσι τοῖς τάλεσσιν. ισέον δὲ αἱ η ἑώα αὐτοτολή τῶν τάλειάδων γίγνεται ἀπὸ Μάιος ἕως Κυρίου τοῦ Ιανουαρίου. η δὲ ἑστερία αὐτοτολή, ἀπὸ ὁκτωβρίου μέχρι Δεκεμβρίου ιδιον. παλοῦντο δ' αὖτε τάλειάδες, καὶ ἀπὸ τοῦ τάλειν εἰς περιόδον καὶ συμπληρών τὸν ἔνιαυτόν. ἀπὸ τέτων γὰρ καὶ τοῦ εξοχῆν καὶ τάλειον ἐκλήθη οἱ ἔνιαυτός. οὐδὲ μὲν εἴναι δράμεναι, λαμπροί. καὶ ἔκαστα δὲ ἀμυδραί. καὶ ἔχοσι χῆρα τρίγωνον, εἴη βάσις ἐπ' αὐτοτολήν.

αὐτοτολήν τέτραπται. Νίκαιαδρος μὲν εἴναι τῆς δράσ τοῦ τάλειον τίθησιν αὐταῖς. Αἱ θυγατρές ὀλκάσιν Φάίρεστιν, ὀλίγωνες φρέσονται. οἱ Ἰππαρχος δὲ εἴναι τῆς τάλειον. καὶ γὰρ αὐτοὶ τοῖς τοῦ τάλειον Φῆσιν. ἀλλὰ τὰ μὲν ποδὶ τοῦ Περσέως μᾶλλον αὐταῖς τάλησιδεσ τούρρω δὲ τὴν κυνῆμην εἴναι τῆς αὔγερῆς γόνατος. I.e. Dicunt uero fabulae de Pleiadibus, eas ab Atlante genitas, et Pleione Oceani filia. Atlas uero, et cum eo Prometheus, et Epimetheus generati sunt ab Oceano et Clymenie, Oceani filia. Ita uero genitae (Pleiades) ab Atlante et Pleione, persecutione agitatae sunt quinque totos annos per Boeotiam ab Orione cum matre sua, quum eas uitiare uellet. Deos uero precatae in columbas mutatae sunt. Inde earum calamitatis misertus lupiter, eas in stellas ueras caelo infixit. -- Allegorice uero Atlantem nota esse Horizontem, et Pleionem Oceanum; ex quibus artae uidentur Pleiades, et Hyades, et reliqua astra, quia ex iis prodeuntia apparent. Vocantur autem Pleiades nomine, a Pleione, matre earum, aut quod plures fuere, quae Orionem fugerunt, aut quod multae sunt utilitatis; indicant enim et aetatem et fomentum; aut quod prope se posita sunt, iuxta laevum genus Persei; aut quod utiles sunt nauigantibus. Scindunt uero ortum matutinum esse Pleiadum a Maio usque ad XXIII lunii; uespertinus autem ortus est ab Octobri usque ad XVIII Decembris. Vocatae uero porro sunt Pleiades etiam quod uersantur periodice, et compleant annum; ab iis enim per excellentiam τάλειον uocatus est annus. Una quidem apparen-tes splendent, singulae uero obscurae sunt, et habent schema triangulare, cuius fundamentum ad ortum conuertitur. Nicander quidem eas in cauda tauri ponit: Quae in taurō caudam tangunt, exiguae feruntur; Hipparchus uero non in taurō; nam et ipse dimidium taurum esse dicit, sed pedi Persei magis esse propinquas. Procul uero suram esse sinistri genu. Scruius ad Virgilii Georg. I n. 138:

Pleiadas, Hyadas claramque Lycaonis Arcem,

Pleiades a uerbo πλέειν deducit. Pleiadas; signum est, inquit, ante genua tauri, quod orru suo primae nauigationis tempus ostendit. Vnde Graece Pleiades dicuntur ἀπὸ τῶν πλέειν. Latine Vergiliae a uerni temporis significacione, quo oriuntur.

THESIS I.

Linguae Graecae cognitione eruditis cuiuscunq; generis iuxta est necessaria.

THESIS II.

Nemo neglecto Ebraicac linguac accentuum studio, codicis sacri uersiones rite iudicare potest.

THESIS III.

Per Ιησοῦν Ies. LIII, 9, custodes, sepulcrum Christi adseruantes sunt intelligendi.

THESIS III.

Posterior pars, commatis 24, Cap. III Gen. ita est uertenda: Profecto interfectorus sum uirum, ob uulnus meum, et iuuenem, ob uibicem meam. (seu, quae mihi ab illis inferrentur.)

THESIS V.

Mundus ab aeterno creari non potuit.

THESIS VI.

Mundum hunc esse optimum, a posteriori demonstrari nequit.

